

猛烈那些箇手段最奇絕  
龍奔虎走來往放乖劣兩獸擒來  
吾怎捨爐烹鼎煉無暫歇乾坤至寶陰陽造化幹運龜蛇東雞  
叫出西江月會入黃庭賞白雪上丹溫中丹暖下丹熱三田寶  
結眾仙舉我赴金闕寥陽勝境教我怎生說

### 水調歌頭

五行不到處一氣未生前清光赫赫無何鄉裏獨超然日月豈  
能照鑑天地不能包裹晃朗妙無邊賴有竹澗水卻向世人傳  
杳兮冥恍兮惚湛兮然這些消息渾身是口也難詮截斷千  
差岐路屏除萬般機巧纜住釣魚船往事都休問靜坐一爐烟

### 沁園春

鳴鶴餘音

夏

菊集八

### 道藏輯要

七返還丹在人先須煉已待時正一陽初動中宵漏永溫溫鉛  
鼎光透簾幃造化爭馳虎龍交媾進火工夫牛斗危曲江上覓  
月華瑩靜有箇鳥飛 當時自飲刀圭又誰信無中養就兒辯  
水源清濁木金間隔不因師指此事誰知道要玄微天機深遠  
下手速修猶太遲蓬萊路仗三千行滿獨步雲歸

### 蘇幕遮

水中金衝牛斗玉鎖金關護法靈童守赤水丹基龍虎走萬象  
森羅勃勃投珠口 飲靈液明火候太 爐開丹熟神光透浮  
名淨利終不久下手速將窮取無中有

### 解佩令

修行之士功勤不小識五行逆順顛倒妙理玄玄玉爐中龍蟠  
虎繞金鼎內煉成至寶 陽神離體杳杳冥冥剎那間游遍三  
島出入純熟按捺住別尋玄妙合真空太虛是了

雁兒落得勝令

想赴蟠桃玳瑁筵休享御酒瓊林宴息爭名奪利心發養性修  
真願爭如紙被裏雲眠茶藥倚爐煎看峻嶺啣花鹿使巔峯獻  
果猿朝元在金闕寥陽殿安然蓬萊洞裏仙

甜水令

麻條草履風袍袖名利不剛求蓑笠綸竿釣魚釣綠水東流

折桂令

道藏輯要

鳴鶴餘音

真

菊集八

浪花中一葉扁舟揀溪山好處追游遣興忘懷醉鄉中問甚春  
秋學洗耳溪邊許由笑蝴蝶夢裏莊周茅舍清幽衲被蒙頭紅  
日三竿高枕無憂

其二

到大來散誕逍遙園林成趣獨木爲橋你便祿重官高是非海  
萬頃風濤不如俺絕利名麻鞋布襖少憂愁鬢髻銀條與飲濁  
醪醉赴蟠桃閑步雲山悶赴漁樵

其三

人生如落葉辭柯百歲光陰暗裏消磨信蹉跎世人看便似風  
魔嘆富貴如披麻救火功名似暴虎馮河白甚張羅日月如梭